

Seilugab

(s.l. et a.)

J 1

3335

00 12








**Ein schöner Dialogus wie ein bau**  
er mit eym Frauenbruder Monch redt / das er die Kutten  
von ym wurfft / vnd dem Monch arbeyt zu geben /  
lustbarlich vnd liplich zu lesen.



Handwritten text, likely bleed-through from the reverse side of the page. The text is faint and difficult to decipher but appears to contain several lines of script.



Universitäts-  
bibliothek  
halle

L 2, 3504



**Es**

was lige ich allhie vnd stirb hunger  
Ich wil auff stehen / vleyß anwenden / ob  
ich yrgents mocht ein bauren erbiten / mir  
ein stuck brots zugeben / mein hunger do  
mit zu pussen. Baur. Beneueneritis dñe /  
wie laufft yr so schwinde / was leytt euch  
an. Munch. Mich treybt der hunger / ich  
muß fort. Baur. Lieber herz wie küpt das / seyt yr nit ein frau  
enbruder munch. Munch. Ja ich bin eyner / vnd vor zweyntzig  
Jaren ynn die kuttten kōmen. Baur. Ich hab mein leben lang  
gehört / die munchen haben gut tag / wie klagt yr dan den hun  
ger. Munch. Ja etwan ist das gewesen / das mich auch geur  
sacht / ynn die kuttten zukōmen. Aber nu diweyl der Teuffel  
den Luther aufferweckt hat / wills nymmer sein. Baur. Wie  
kumpt das. Munch. Das will ich dir sagenn / Itzundt woe  
ynser eyner hyn kumpt / weyn / Kese / oder anders zu heysch  
en / wollen ym die bawren nichts mer geben / Bin ich vor drey  
en tagen funff Dorffer außgeloffen / vnnd nicht mere dann ein  
Kese ersamelt. Baur. Lieber herz / es machts der Luther nicht  
ich wolt euch wol die vrsach sagē / so yr mir zu horet. Munch.  
Sag an. Baur. Ewer vorfaren vnnd yr habt vnns lang ge  
predigt / wie Got Genesis am dritten Capitel Adam gepote  
zu arbeyten / vnnd ym schweyß seyns angesichts zu essen seyn  
brot / Seyt yr herzen nit auch Adams kinder. Munch. Freundt  
Ja es stehet also geschriben / aber die heyligen veter haben die  
kuttten gefreyet / dz sie nit arbeytē dorffen. Baur. Herz / ytzund  
bin ich bey meinem hauß / esset mit mir zu morgen / ich hab me  
re mit euch zureden. Munch. Ich thun es gern. Baur. Herz yr  
habt hinuor gesagt / der Luther macht das yr alle zadel leydet  
Nun stehet Genesis am xviii. Capitel geschriben / So zehen  
from mēschen yn den funff stetten die Got mit fewr versencke  
gewesen / het Got yr verschonet / Nu merck ich wol / dz vnter  
euch Munchen alle nicht zehen oder gar wenig frommer sind  
die Got bitten mochten das Luther vertilget / vnd es muß on

A u zweyffel

169

zweiffel ein ander vrsach oder ewer boßheyt schuld sein/ Nun  
freundt ich hab dir mein hunger geklagt heys anrichten. Baur  
Ich hab gehört dieweyl Saul / der erst Judenn konig yn den  
gebotten Gottes wandert / vber want er alle seine feindt / So  
balde er sich aber von Gott keret / vnd rath bey der zauberyn  
suchet / wie am ersten buch der Konig am. xxviii. Capittel ge  
schriben stehet / Derließ yn Gott vnd ward auß seynem reich  
gestossen. Also yr herzn yr habt das heylig euāgelium lang ver  
acht / der veter trawnen vnd lügen gelernet / vñ dem gemeinen  
volck ein grosse schwere burden auffgelegt. Aber yr mit dem  
minsten finger / nit angerurt / Sehet auff / das yr nit auch ver  
acht vnd außgestossen werdet. Munch. Were gedult mocht  
haben / Es wurd sich ye anders machen. Baur. Ir phariseyer  
alle werck von euch bißanhere sind geschehen zuerfullung der  
armen einfeltigen augen / vnd seyt gleych den gesellen / da von  
Christus Mathei am. xxiij. sagt. Darumb werden pillich ew  
er kloster / heuser / wust / vnd das der herz fuget / schmerzen  
ewern schmerzen / arbeyt mit seuffzen / vnd werdet nicht fin  
den rwe / wie Hieremie am. xlv. capitel geschriben stehet. M.  
Ich hore / du bist gelert / odder hast villeycht der geordentenn  
heymlickeyt wissenn. Baur. Ich hab dir hievor gesagt / wie  
Gott Adam geboren / zuarbeyten / So steht in eccl. geschribē /  
Der mensch wurd geboren zu arbeyten / wie der vogel zufligē /  
Paulus vermant sein Junger Timotheum alle seyt vleys an  
zuckeren / vnd zu erbeyten / Item das gantz lebem Christi ist  
alles arbeytsam ge west. Er hat auch seinen iungern Marci am  
xvi. geboten zu gehen vnd zu Predigen das Euangelium vnd  
nicht mussig zusein. Aber yr Phariseyer / seyt alle abgewichen  
vnnutz worden / vnd ist keiner der guts thut wie Paulus am  
dritten capit. zu den Romern schreybt / habt gift vnter ewern  
zungen getragen / dem bauch fur ewern got gedinet / vñ mussig  
gingen / daraus gefolgt / das vil ehebruch / Junckfra wē schwe  
chung / vnd andere sunde / yn ewern kloster geschehen / were  
nicht wunder das euch Got langest / wie Sodoma vnd Go  
morra



morra mit dem hellischen feuer vertzert het. Munch. Freund  
du thust ym ye zuuil. Baur. Sag an was bat mussig gebn guts  
bracht/ Sibe an David/dieweyl er kriegfleufften anlage/ent  
bilt er sich vor sundē/so bald er mussig gieng/verbracht er den  
ehetruoch mit der fra wen Bersabee/ vnd verschuff den from  
men Ritter Drie zu todt schlagen/ wie geschriben steet am an  
dern buch der Konig am . xi . Capitel also/ Ir Phariseyer/so  
yr mussig seyt/ ist euch keiner boßheyt zu vil zuuerbringen/ym  
scheyn der gleyßnerrey habt yr betrogen die gantzē welt/ewer  
boßheyt ist an tag kōmen/must gestrafft werden/ Das peyhel  
ist an die wurtzel des Baumen geleynt/ wie Mathei am drit  
ten geschribē steht. Munch. O baur/vnser keiner gebet ym klo  
ster mussig/mussen singen/beren/vasten/auffstehen vnd messe  
halten. Baur. Ja vnser mulners esell schreyt zu morgens auch  
auff der misten/das die meydt erwachet/habt yr nicht gelesen  
Non clamor sed amor/ Dñ das die falschen propheten heliam  
mit dem opffer/kempfften lang vñ seer schreyen/wurden aber  
nit erhört/darumb zu todt geschlagen/Ewer gebet ist auch vn  
erhorlich/dañ es geschicht nicht yn eym gehen geyst vnd der  
warheyt/Sunder mit blutigen henden/welliche gebet Gott  
hasset/das vasten das ir thut/ist strefflich/dañ yn dē tag ewis  
vasten/wurt erfunden ewer will / vnd ist deyn vasten Christi  
Mathei am.vi. gar nit gemeß/ So ist ewer meßhalten die zeyt  
here/ allein euch nutz gewesen / habt damit von vnns armen  
Beurlein vnsern plutigen schweyß geschundē/dañ sie ist kein  
gnugthuung/kōmet weder lebendigen noch todte zu hilff vñ  
yn dem Testament durch Christo Math.am.xxvi. vnd Luce  
am.xxij. auffgesetzt/gantz nicht gleych/wie Luther offentlich  
schreybt/Darumb herzleyn stellt abe/arbeit seyt nit mussig vñ  
bedenckt die wort/so yr offt gesungen/aber nicht verstanden  
der do ysset die arbeyt seyner hende wurt selig vnd ym woll  
werden. Munch. O freundi/es ist dartzu kōmen/das die eyn  
feltigen vnd geringen mehre von gottlichen dingen wissen zu  
fagen/wann die grossen weysen diser welt/was will daraus  
A in werden

werden. Baur. Der hauß vatter dauon Christus Matth. am. xx  
sagt / mocht nicht mustig gehen leydē / straffet die darumb itet  
auff / ob euch die kuchen nit nachfolget / arbeyt / Der Got so dē  
propheten Daniel yn der lewen gruben zu Babilonien durch  
dē prophetē Abacuc vñ Heliam durch die wifraw yn Sarep  
ta. Sodomorum enthalten / getrawet / seyt nit sorgfeltig / were  
erneret die vogel yn der lufft / die weder sehen noch schneyden  
noch yn die schewzen eynsamlen / vnd die lilien vff dem acker  
kleydet / Der hymlich vater der do weyß / das yr des notturff  
tig seyt / wurt euch nit verlassen / er lebet noch. Monch. **S** herz  
dein erbarmung ist manigfeltig / heut hast du erlöset mein sele /  
auff d̄ tieff der belle / Freundt ytzund stehe ich auff / vñ wurff  
meyn kuttē / darynnen ich mustig gangen / von mir / bekenne  
vnd sag öffentlich / vermaledeyet sey der tag / yn welchem die  
kutte erdacht ist worden / der fluch Petri Actū am achtē sey  
vber den vñnd sein gelt / so begeret kuttē zu kauffen darauff  
sas / Gese Berure den so ein kuttē erfordert / die erde thu sich  
auff / vnd verschlind oder verschlick den / wie Thatan vñ Abi  
ran / so ein kuttē anruret / die straffe Ophin vñ Phinees vnd  
yres vatters Heli des Priesters / vbergeben den / so ein kut  
ten antregt / Alle maledeyung vnd plage Deutrono  
mij am. xxviii capitell gemelt / weyche yn ewig  
keyt nicht vonn dem / so eyner kuttē ge  
tra wet vnd glawbet / dann von der  
mustigen kuttē ist nye keyn  
guts komenn Also freund  
ich gehe hinn zu ar  
beytē / So  
ich zu der  
ehren  
her wider  
kum wil ich dir  
dein essen ab  
verdienen.










Li 3335

(x2212725)




315









# Farbkarte #13

B.I.G.

- Blue
- Cyan
- Green
- Yellow
- Red
- Magenta
- White
- 3/Color
- Black

aus zwie ein bau  
 redt / das er die Kutten  
 onch arbeyt zu geben/  
 ich zu lesen.

